

四部文庫

文懷沙 主編

隋唐文明卷



(六十九)

陝西震旦漢唐研究院 編纂  
陝西人民出版社

西安曲江文化產業投資集團支持

Z42  
1  
(4:69)

# 四部文庫

文懷沙主編  
隋唐文明卷

六十九  
陝西震旦漢唐研究院編纂  
陝西人民出版社

# 隋唐文明

## 第六十九卷目錄

全隋唐文十九

欽定全唐文一千卷(十七)(卷七九〇至八三五)

〔清〕董誥等纂

三

全隋唐文

十九





欽定全唐文卷七百九十目錄

許籌

嵩嶽珪禪師影堂記

晉東萊太守劉將軍廟記

蘇滌

宣宗諡議

鄭薰

移顏魯公詩記

內侍省監楚國公仇士良神道碑

欽定全唐文

卷七百九十

目錄

祭梓華府君神文

衛洵

佛頂尊勝陀羅尼經石幢讚 并序

高元墓

侯真人降生臺記

張彥遠

歷代名畫記源流序

法書要錄序

三祖大師碑陰記

搨本樂毅論記

論鑒識收藏購求閱玩

崔珣

授李丕鄜州節度使制

授柳仲郢東川節度使制

林簡言

上韓吏部書

漢武封禪論

言贈

欽定全唐文

卷七百九十

目錄

紀鴉鳴

欽定全唐文卷七百九十

許籌

籌宣宗朝官觀察使

嵩嶽珪禪師影堂記

文苑英華卷八二一

籌僅童知佛業儒雜老嚴德慕元空靡極營儒身及進士  
第一年尉告成明年遊是嶽謁律德惟珪上人引將布覽  
至珪大師影堂珪公曰子嘗識珪公覺否曰未云珪公覺  
道靈感莫可周名獨有嶽神為大師移植松栢於東巖事  
碑塔所不書珪公之誠杜從祆也且佛說羣經事又焉可

欽定全唐文

卷七百九十

許籌

徇珪公謙勝哉珪欲頌之患辭不文子進士也矧僅童知  
佛尚信珪公謙勝乎籌惟藏惑偶得嵩陽居士喻應真與  
洛陽處士陳惟復書言岳神為珪公植樹事甚備曰大師  
法諱元珪俗姓李氏伊闕縣人也太宗朝甲辰歲生高宗  
代癸亥歲具戒元宗帝丙辰歲化滅歷年七十三始隸閑  
居寺習律安少林味禪後廬龐鳩將化謂其徒仁素曰吾  
始志閑居寺東嶺我滅爾必塔吾骸於茲開元十一年素  
力允師之志喻陳二高士曰大師嘗寂定結廬爻山巖時  
嶽神輕步謁大師大師覺精神不世謂曰仁者胡來而復

何往神曰師寧識我耶大師曰吾觀佛於衆生等吾一目

之豈分別識耶神曰我斯嶽神也能以怪死痛害生死於

人師安得一目我哉大師曰汝能生於人吾本不生汝焉

能死吾視身與空等視吾與汝等汝能壞空與汝乎苟能

壞空及壞汝則不生不滅也汝上不能若是又焉能生死

吾也神稽首禮曰我亦聰明正直於餘神而謂是神豈知

師有廣大過空之知辯也願授以正戒梯拔世間大師曰

神既乞戒即既戒也所以者何戒外無戒又何戒哉神曰

此理也非濟岸梯杭之事止求師戒我身為門弟子大師

欽定全唐文

卷七百九十

許籌

二

辭不獲即為張座焚香秉燭正几曰付汝五戒汝能奉持  
即應曰能不能即曰否神曰敬奉戒大師曰汝能不淫乎  
神曰亦娶也大師曰非為此也謂無羅欲也神曰能大師  
曰汝能不盜乎神曰何乏我也焉有盜取哉大師曰非為  
此也謂嚮取而福淫不供而禍善也神曰能大師曰汝能  
不殺乎神曰正柄在吾焉曰不殺大師曰非為此也謂有  
濫誤混疑也神曰能大師曰汝能不妄乎神曰我本正直  
焉能有妄乎大師曰非為此也謂先後不合天心也神曰  
能大師曰汝能不遭酒敗乎神曰能大師曰如上為佛

戒也又言以有心奉持而無心拘繫以有心爲物而無心想身如能是則先天地生不爲精後天地死不爲老跳身爲帝王不爲崇高命子爲輔相不爲富貴終日變化而不爲動畢竟寂默而不爲休悟此則雖娶非妻也雖嚮非取也雖柄非權也雖作非故也雖醉非昏也若能無心與萬物則羅欲不爲淫福淫禍善不爲盜盜誤混疑不爲殺先後違天不爲妄昏荒顛倒不爲醉是爲無心也無心則無戒無戒則無心無衆生則無我無我則無汝孰能戒哉神又曰我神通亞佛大師曰汝神通十句五能五不能佛神

欽定全唐文

卷七百九十

許審

三

通十句七能三不能神竦然避席跪啓曰可得聞乎大師曰汝能拔上帝東天行而西七曜乎神曰不能又曰汝能奪地祇融五嶽而結四海乎神曰不能大師曰是爲五不能也佛能空一切相皆滅萬法而不能卽滅定業佛能知羣有性窮憶劫事而不能化導無緣佛能度無量有情而不能盡衆生界是爲三不能也定業亦不能牢久無緣亦謂一期衆生界本無增減恒無一人能主有法無法無主是謂無法有主無法是謂無心如我悟佛亦無神通也但能以無心通達一切法爾嶽神頓首作禮曰我誠淺昧未

聞空義大師指我戒我我當化矣更何業因何拘塵界我願報慈德効我所能大師曰我觀身無物觀物無常法窟塊然更有何欲神曰師必命我爲世間事展我小神功使已發心初發心未發心不信心必信心五等人目我神蹤知有佛有神有能有不能有自然有非自然者也大師曰無爲是無爲是神曰佛亦使神護法師寧墮板佛耶須請告我大師意不獲遂言曰東嶽寺之障也莽然無樹北岫有之而能屏擁汝能神力移北樹於東嶺乎神曰謹奉命矣又陳我假昏夜風雷擺搖震運師無駭卽作禮辭去大

欽定全唐文

卷七百九十

許審

四

師門送且觀之見儀衛逶迤如王者之狀又復碧煙紅霞紫風皓氣錯散四遠幢幡鉞珮凌高寢空其夕果有迅風吼雷奔雲震電大壯棟宇岌業將圯定僧瞻動牙捉仆叫大師安衆曰無怖無怖神與我相契矣啓且和霽則北巖松檜盡移東嶺森然行植焉而大師謂其徒曰吾歿有塔我者有碑我者無紀是事人將祓我也籌得聞元中喻陳二居士狀師之行因珙公請爲影堂記遂据而書之

晉東萊太守劉將軍廟記

唐文粹卷七一

將軍晉永嘉初守萊種德藝政萊人思之既歿諸劉將西



扶葬洛萊人曰我萊不降數萬家將軍子視我我父母戴之將軍於諸劉天戚也於我人戚也天之戚也寡而邈人之戚也衆而邇安有捨邇衆而歸邈寡哉敢以數萬家之命請於諸劉遂之於是散捧封土趨持樹本既墳於此饗用春秋禱災微祐餘靈影響大中十一年四月癸巳太守辛公肱去太守姚公瑄未臨籌以當道觀察支使奏承空闕到郡之三日軍吏疏拜歷祠羣望即日將軍祠在郡署之東端簡肅入而見廟寢卑狹畫像彫暗既違有德豈謂祭恭乃命押衙兼修造使李公霸度木戒工新此殿構想欽定全唐文 卷七百九十 許壽 蘇滌 五

像塑繪居月而成心非質福者將使有德者垂昆無窮無德者警改操行萊人受裕當稔於茲大中十一年五月二十三日記

蘇滌

滌武功人大中四年自尚書右丞充翰林學士知制誥五年遷兵部侍郎進尚書

宣宗諡議

文苑英華卷八四〇

議曰伏以皇天平分盛王全用施雷雨之廣澤則庶物生成務恩威之至仁則四海亭育遂使含靈受泰觸類知懷

美諡大名固當稱謂伏惟大行皇帝爰自盤維膺茲九五行越今古仁被黔黎孝惟生知略不代出以天下爲己任視宇內於掌中坐朝而不問風霜弭亂而不怖府帑動惟思古慮必歸周聞善若驚去疾務盡前王之美事列聖之令典必擴而行之加以講信修睦任賢與能思念勳庸則發凌煙之彩繪敦序友于則置雍和之宴錫俯閱才彥則命法官諫官之次對愛憫生育則禁三月五月之採捕一物之不得其宜納隍在慮四方之稍有未泰降食爲心命將則千里坐知指縱則三邊克定是以人並爲便物得自欽定全唐文 卷七百九十 蘇滌 六

安加以西平羌戎南殄蠻寇三州七關之地坦然無虞四鎮際海之毗晏然自靜然後賑廩恤人蠲農命使遠無不肅邇無不安姦宄戢心權豪屏息京輦絕桴鼓之響邊陲無烽燧之虞可謂超三躋五度契踰繩者也故有識曰佇其云亭齊人已臻於仁壽不享堯運不升軒雲豈獨唐俗有喪考之悲祀人懷崩天之怨而已謹按諡法敬祀享禮曰聖關土斥境曰武聰明睿知曰獻經天緯地曰文慈惠愛親曰孝先皇帝肅祇禋祀非禮不行得不謂之聖乎收復舊疆誅鋤梗驚得不謂之武乎好文樂賢興善不俸得

不謂之獻乎虔奉天道銳意典法得不謂之文乎五十而慕問安不懈得不謂之孝乎謹上尊諡曰聖武獻文孝皇帝廟號宣宗謹議

鄭薰

薰字子溥亾鄉里世系第進士歷考功郎中翰林學士出爲宣歙觀察使以清力自將牙將素驕逐之奔揚州貶棣王府長史分司東都懿宗立召爲太常少卿累擢吏部侍郎以太子少師致仕

移顏魯公詩記

文苑英華卷八一六

欽定全唐文

卷七百九十

蘇滸 鄭薰

七

顏魯公旣用貞鯁爲元載所忌由刑部尚書貶夷陵郡別駕大厯六年又以前秩轉廬陵郡道出宣州之溧水縣縣之南經古烈士左伯桃墓節槩交感卽於墓下作詩一首自題於蒲塘之客舍詞韻淒激點畫斬壯窮國藝之奇事厥後泊於大中之丁丑歲八十七年矣孤宇覓閭局滕不固久爲飄暴薪牧所困一挑半剔往往洿缺余作鎮到此有客謂余者惜之立召工將王少儒領其部匠鑿垣復匣移窆於北望樓之西隅且以爲郡居之勝絕鐫石其下俾後之觀者知改置之意無忽大中十二年十一月十九日

宣歙池觀察使檢校右散騎常侍兼御史大夫鄭薰記

內侍省監楚國公仇士良神道碑

文苑英華卷九三二

運巨壑者必資帆檝之便以鼓其波濤築廣廈者必堅柱石之材以完其結構故明王聖帝立國保家莫不求竭忠宣力之臣配帆檝柱石之用懋崇基業宏濟艱難百代通規千載相遇孰稱全德其故開府儀同三司內侍監致仕楚國仇公諱士良字匡美海豐興寧人也宋大夫牧以忠烈正直書於春秋公實其裔焉其後香以文雅仕於東漢儒以議論貴乎北燕蟬聯珪冕暉映簡冊代著奇節

欽定全唐文

卷七百九十

鄭薰

八

率多令人史編家譜一二詳焉顯公之會祖考皇朝正議大夫內給事賜緋魚袋諱上客府君忠昭事任績懋聲猷躬行正途克嗣先業烈祖皇朝朝議大夫內常侍賜紫金魚袋諱奉詮府君名以才彰功由道著王氏教讓義之已行于公高門定國方大皇考諱文晟府君精持貞廉高挹塵俗位以命屈慶因善餘厥惟楚公克振勳德追贈特進左監門衛將軍賜紫金魚袋申公之誠孝也公年未弱冠入仕東朝是時憲宗皇帝主器承華體元儲兩親奉再飯其惟九齡助澄少海之瀾更闡前星之耀永貞十年授掖

庭局宮教博士賜緋魚袋元和初以舊恩本固新渥彌隆  
既頒侍從之勤首舉寵遷之命加宜徵供奉官賜紫金魚  
袋檢身極敬奉輦施勞屬自牧於撝謙表無私於應對閭  
六月轉朝散大夫內侍省內給事宜徵供奉官如故材力  
彰於省局周旋美於禁闈驟議甄升更加命秩冬十月拜  
內常侍餘如故未周星紀三歷顯途既洽謳謠且明恩澤  
彼虞卿再見為趙上卿荀爽九旬登漢三事允膺時議彼  
或多慚三年以本官充內外五坊使尋或遷宜徵供奉官  
發彼五犯輔弼虞之仁化殫此大兕詠吉日於春蒐外撫

欽定全唐文

卷七百九十

鄭薰

九

之暴橫自消中野之井間知感十年加大中大夫內侍省  
內常侍尋以本官充平盧軍監軍使全齊舊壤繼代邀恩  
甲兵盛充貢賦不入公聞其叛渙諭以忠貞爰革非心幾  
至效順明年詔徵又以內侍依前宜徵供奉官吳寇據淮  
天兵在野逗遛不進沮敗為憂求使臣往諭中旨遂命公  
以本官及職充淮西行營宣慰使至則大布皇澤益勵軍  
威四遠瞻風萬夫振氣而又盡得機要既還奏聞竟至成  
功期為顯效十五年遷雲麾將軍右監門衛將軍充內外  
五坊使仍賜上柱國又進封南安縣開國男食邑三百戶

驅獸而無害五穀充庖而有事三田蕙圃蘭塘落飛駐走  
助開三面之網勤施一目之羅鄙長楊之大誇胡人笑上  
林之務矜楚使條令既肅巡遊盡懽其冬復加冠軍大將  
軍長慶初罷五坊使以本縣進封開國子尋進侯爵食邑  
一千戶宜徵供奉官皆如故二年除鳳翔監軍使又進封  
開國公食邑一千五百戶夏父舊疆繆公遺政郡邑則武  
安留守扶風則馬謨擅名雜於版屋之郊號為難治之俗  
公攬轡卽路下車撫戎三軍畏威百姓懷惠寶曆二年徵  
復為宜徵供奉以本爵進封郡公食邑二千戶尋除鄂岳

欽定全唐文

卷七百九十

鄭薰

十

監軍使傍連荆楚南接湖湘間閭皆土著之安貨貝有山  
積之富兵不堅利人皆惰游公深贊訓齊同為勛勉知方  
有勇自我而能太和元年入為宜徵供奉官轉內坊典內  
侍省秩清事簡優逸自娛莫展長才鬱於羣論俄拜右神  
策軍副使公於是端肅以貳戎政廉讓以播軍聲屏衛益  
嚴暴悍知禁二年擢為右領軍衛將軍內外五坊使講事  
一時農不易隴選徒百隊人不告勞鮮扁而布青林行事  
而無遺衮驅騶古法蒐獮新規指顧之間莫非盡善六年  
真拜內侍知省事餘如故明年轉大盈庫領染坊依前知

省事恩澤浹於寰瀛寵賜周於藩服綺羅萬段錦繡千筐  
每極珍華會無濫惡又元黃朱紫染彩文章靡不精鮮悉  
中程度以賞能陟於飛龍使本官並仍舊御閑二六天驥  
三千異骨峯生深溝血溢親習盡馳驅之妙羣分多駟駿  
之奇芻秣尤精稿稭常羨九年五月拜左神策軍中尉兼  
左街功德使將軍知省事如故練達戎機總親護禁典理  
爪牙之衛左右心膂之師寬不喪威簡不曠務氣勵熊羆  
之勇手持虎豹之韜恩由忠深士以誠感張孺驂乘孝宣  
乃安趙喜宿衛顯宗加厚轉左驍衛將軍餘如故既而鄭

欽定全唐文

卷七百九十

鄭薰

十一

注挺妖李訓附會列奏偽瑞固邀鑿與圖害腹心漸逞奸  
毒公先機立斷禁旅遽齊坐遏兇渠保護帝輦指名魁首  
俄頃追擒其餘躁競進取之徒枝連葉著之黨或志諧狂  
計罔自正身或跡比頑童居然就禍莫不盡苞恢網同抵  
國章由是宗社乂寧中外協睦非夫忠謀天假廣業神通  
其孰能如此乎及於廟堂議功公在第一優詔加特進本  
衛上將軍中尉知省事如故位輕於德賞不配勲難許中  
謙終昇峻級尋遷驃騎大將軍開成五年加開府儀同三  
司左衛上將軍封楚國公食邑三千戶食實封三百戶頒

恩常例非私受也會昌元年又加食實封二百戶尋擢爲  
觀軍容使兼統左右三軍獎舊常儀昭異渥也公每念禍  
伏福中祿爲身累將持盈滿莫過退休三年夏以寒暑內  
侵針鑿罕效因求散秩用遂素懷乃除內侍監將軍知省  
事如故尋又連表陳讓固辭恩榮優詔以本官致仕其年  
六月二十三日薨於廣化里之私第享年六十有三嗚呼  
身隨運往名寄勳留一代推雄九原表傑天子悼之罷朝  
兩日贈揚州大都督公弱冠以辨智取位強仕以幹蠱居  
官及蒞大政以機略致勳勞臻於貴壽以恬退保終始事

欽定全唐文

卷七百九十

鄭薰

十一

在簡冊爵極天人出入七朝顯揚三紀秩以功藝進道由  
忠直彰擊鞠廣場則馳先百馬彎弧迴野則飛落雙雕故  
得侍娛遊則三領五坊承顧問則八加供奉元和中盧從  
史倚上黨兵勁陰結叛臣憲宗皇帝命護軍中尉吐突公  
統戎專征密勿神算誘至幕下縛送闕庭是時公適在軍  
助成丕績其或揚鑣宣命電掃雷驚每播深恩親當橫陣  
兩河平殄頗預其功雖不自矜實傳衆口而多材多藝強  
記博聞舉策畫若應神明閱簿書無逃心目而又精鑑冠  
絕當時門館賓僚薦延功行必求明德用輔聖朝則有乘

忠正之心荷匡贊之任才表正佐出為國楨康濟羣生輝  
華四海者矣然後知衛將軍七擊匈奴封侯九國崔驃騎  
六征絕塞列將八人特美高勳豈膺賢弼以今方古我德  
為優以四年正月二十三日歸葬於萬年縣寧安鄉鳳栖  
原社季村夫人安定胡氏祔焉禮也夫人故開府儀同三  
司檢校太子賓客兼御史大夫贈戶部尚書承恩之女性  
德天才儀標冠族叶組紉之懿範彰圖史之貞規法度所  
以正家柔閑所以遵道洎祥開鳳兆德協鵲巢芳徽溢於  
閨闈令則洽於姻族以公勳位峻重累封至魯國夫人壬

欽定全唐文

卷七百九十

鄭薰

十三

戌歲先公而歿有男五人長宣徵使銀青光祿大夫行內  
侍省內給事賜紫金魚袋曰從廣次光祿大夫檢校散騎  
常侍持節曹州諸軍事守曹州刺史兼御史中丞上柱國  
南安縣開國公食邑一千五百戶曰元宗次閣門使朝散  
大夫行內侍省內府局丞賜緋魚袋曰從源次邠寧監軍  
使中散大夫行內侍省內侍局丞賜緋魚袋曰從渭幼曰  
從湜皆稟訓過庭早通詩禮承恩入仕其効忠勤為明庭  
之羽翰作私室之符瑞不忘素業自致青雲宜乎懿德有  
後信不誣矣大中紀號五年克平四裔東南款化西北開

疆三耀舒光八紘無事皇帝念功軫慮錄舊申恩惟楚公  
永貞時祖宮有翼戴之勞元和時宣徵有委遇之渥今則  
已悲封樹未刻松銘乃命舉其殊庸勒在貞石用傳不朽  
昭示將來特詔詞臣俾其撰述臣薰恐惶直敘不敢虛美  
謹為銘曰

仇氏之先本宋大夫就義輕死名昭冊書厥後聞人漢香  
燕儒乃生楚公前修不渝其一焯焯楚公俊又邁德克抱才  
器必循典則天資忠孝神助正直高揭勳名幾摧姦慝其二  
從史負力潛通鎮郊上將授詔縛歸天朝楚公佐成衆不

欽定全唐文

卷七百九十

鄭薰

十四

敢搖東國大定塵氛自消其三蔡寇不庭誅行原野羣校傷  
敗師無進者楚公銜命汗血波瀉貌貅鼓氣城壘連下其四  
注訓勃戾妖凌北宮和鑿在御狂褻來衝楚公奮臂甲士  
趨風克殲渠孽乃建殊庸其五五坊三居公畋有節宣徵八  
人密議攸竭再監戎閫將校感悅一枚郊垌驛驅躡絕其六  
佐佑帝室手提禁師士伍胥附皇心勿疑持滿先戒居高  
不危懸車告謝彭薛肩隨其七駭起截颺哀纏逝水空留洪  
烈永載青史精爽何之壯猷已矣京兆開阡壽堂在此其八  
仕承泰運歿偶昌期徵音不泯令嗣銜悲聖念既勤爰斷

豐碑事功難究有靦色絲其九川常不移松楸已列元室雖  
開清風靡歌作皇代之英臣期終古今無絕其十

### 祭梓華府君神文

維大中十二年歲次戊寅十月己丑朔二十一日己酉中  
散大夫守隸王府長史分司東都上柱國鄭薰謹齊沐馳  
心請前潮郡軍事押衙兼孔目院知勾汪玕以清酌庶羞  
之奠致祭於敬亭山梓華府君之靈薰以丙子歲自河南  
尹蒙恩擢受宣歙觀察使至止之後修祀府君愚以為聖  
朝愛人上有堯舜藩方重任體合捐軀直誠徑行仰託神

欽定全唐文

卷七百九十

鄭薰

五

理遂不顧姦豪之黨惟以貧病為心疲人受屈必與伸雪  
有押衙李惟真者家道巨富久為橫害置店收利組織平  
人薰召看店行人痛加科責其子自長姦穢狼籍都押衙  
崔敬能頻來相見懇請科懲以惟真年齒甚高特為容庇  
乃自疑懼潛蓄奸謀討擊使余雄置石斗門絕却一百三  
十戶水利自取此水獨澆已田推鞠分明止於退罰其子  
余悅公然殺人方繫獄中尚未斷割遂為同惡以出其兒  
小將康全泰兇賊無賴被妻告言屠狗盜驢罪戾頓發兩  
度決杖止於笞臀過皆不輕斷悉非重而乃不顧恩義侮

易朝章同謀翻成白刃脇逐薰此時深念謂無神理雖乏  
良術且是苦心猖狂若斯靈祈不救其後一家百口同時  
出郭之後首有百姓前潮郡押衙汪玕走來相接扇蓋畜  
乘便濟危途秀才薛復尋亦同到汪生又招舟船初則未  
有來者汪生乃大呼曰李惟真康全泰等交扇兇黨迫逐  
大夫口云怨大夫護惜百姓今者無船可發豈得不救舟  
船遂來得以即路至山莊後有百姓姚元貞饋饌兼錢二  
緡續有前宣郡衙前虞候胡政借船兩隻及食物之輩兼  
與汪生同在船中慰安引接及夜分到水陽南數里有長

欽定全唐文

卷七百九十

鄭薰

六

樂氏子其名曰康借一大船供給食物兼贈藥與錢五  
千殷重慰安分逾骨肉當此之際兇徒充熾白刃如雨冤  
聲震地此五人者乃致其性命繼來相救雖義心所激亦  
神理潛施自此北去一路順風若有牽持更無阻滯將取  
蕪湖去路已過丹陽湖口聞一人語聲云不如丹陽湖過  
即便迴船數里却取丹陽湖路丹陽湖水淺草深過者多  
須兩日此時緊風吹渡食頃百里及到當塗乃知蕪湖路  
尋被賊黨把斷不許船過方悟言者得非神歟入江路後  
四面雷電惟有此船更無風浪兩日兩夜遂達揚郡然後

知如此之事皆非人力固是神靈暗助念其朴愚直守章程以理詭弊昭昭之報事實不誣今則中丞溫公以忠孝明誠嘉猷碩畫遠稟宸算親臨亂邦凡曰兇徒皆就梟戮各通手狀自謂不冤玉石大分黑白無誤立功將士等聽溫公之激勵受溫公之指搗共成勲庸皆傳史冊薰陰蒙府君教導之德顯沐溫公披雪之恩遠將血誠冀達神鑒惟馳懇到用代馨香觴酒豆肉一願歆受伏惟尚饗

衛洵

洵大中時官廬江縣尉

欽定全唐文

卷七百九十

鄭薰 衛洵

七

佛頂尊勝陀羅尼經石幢讚 并序

真如至言大僊妙說一句一偈千表萬緡殷勤破煩惱之門曉了示慈悲之行尊勝陀羅尼經者光揭日月功貫生靈闕四與京得彼岸於斯為盛昔如來為諸天說善住消

七返之殃帝釋親啓德音波利傳乎秘密專有內侍省衆寮等悟佛知見信佛勝因虔是念於有為冀我躬之無咎謂貝葉之速朽不足紀其言謂卷石之至貞可以刻其字於是捨清俸鳩金錢徵良工琢貞堅鍤丁丁以火發刃夏夏以冰裂以元和歲在單闕月臨太族十有五日庚戌之

所建也從此幢前香起石上塵飛落輕衣以拂災厲諸境而戰敷元功不測銘曰

大覺妙力尊勝其強增壽益齡夷災殄殃六趣之闕七返

之闕聞我一言熱得清涼火為蓮池獄作天堂通言非謬

證自梵王

高元暮

元暮大中時人

侯真人降生臺記

大唐大中五年五月二十日河南府永樂縣中條山陽道

欽定全唐文

卷七百九十

衛洵 高元暮

天

靜院有道士姓侯名道華修道昇仙時年三十四芮城人也真人生而如愚默悟真道是非泯絕笑傲雲水初常庶人之服師事道靜院主周悟仙以其器貌鈍懦遇之以施力之僑常役之以農耕勞之以樵採悟仙弟子十餘輩共輕而賤之真人內自敏曉外貌哈哈然口亦咄咄而吟言道也者不可離也又鴟安知一舉九萬乎悟仙聞而奇之及授之冠帔雖服道衣執勞無替師役之暇則採藥草鍊五粒松脂子及根葉或湯而飲之或丸而吞之莫識其術一旦暴疾如中惡毒久而乃活因而不食鹽米之氣好作



詩歌獨吟朗詠人或覺其聲音清暢亦或觀其鬚髮清光  
肌骨洞徹真人會省兄歸芮之故里經進士崔理墅居書  
齋之壁有一芝草真人看而笑指一芝曰會於五老峯側  
得而食之其年夏之清旦有一羽客并一童子從忽至廬  
中真人異而禮敬及坐曰吾居且非遙聞君至道故相訪  
耳君道已成仙籍有名其期不遠天人來迎言訖而去真  
人送行北昇山坂數里仍令侯君改姓與名為李內芝名  
繫上清宮善進院真人會為尊殿之前松林暗翳三光耀  
蔽啓其師請削去繁枝松百株皆真人手植而高聳忽有

欽定全唐文

卷七百九十

高元奉

无

范陽盧頴自蒲罷幕寄居永樂閒遊道靜因詰削松枝者  
誰曰道華盧君詬責欲請邑宰治之真人曰得非宿殃乎  
乃詣道士姚黃中請筮及卦成姚曰兆之無恠有喜自天  
卜何也真人笑而不答姚乃飲以卮酒而歸及中途遇一  
老人衣破敝與之俱行忽覺喉中塞而且痒老人開口乃  
折桑樹枝攪其喉遂吐其蟲出約有三升頭黑身白長寸  
餘行數里喉又痒老人方漱口掬澗流而漱復出蟲三升  
狀若前者逡巡失其老人是夜歸院來旦師令出刈麥三  
十畝不終日而擔負積院路有山櫻桃食之曰此後永不

再食也是夜同院道流但見沐浴以為收斂因熱夜之及  
半烈風雷雨折樹驚人及曉道華之戶尚閉衆開而覓之  
不知所從房中惟有燒書之爐其尊殿有一喬松六丈下  
鋪一席上有香爐烟火未絕及並所鞞雙履在地其冠帔  
繫結松梢不可得而取之房中鏡子帶上有詩曰鍊得大  
還丹多年色不移前宵盜喫却今夜碧空飛慚愧深珍重  
珍重鄧尊師師與司馬山人燒得大丹封在尊殿內未服而謝多時鍊得藥留著  
待內芝吾師知此術速鍊莫為遲三清專心待大羅的有  
期於是具聞廉察廉察上奏於時官吏士庶瞻禮稱歎焚

欽定全唐文

卷七百九十

高元奉 張彥遠

三

香供養日有千衆歲餘不絕元暮宰芮之日備聞斯實欲  
旌顯之事力未及思命除替固遺恨也果有河東薛公詢  
牛刀割雞利刃多暇有惡必懲聞善必舉乃於縣西北約  
二里古道之石即真人降生之地築臺刻石永傳不朽

張彥遠

彥遠柱管觀察使文規子乾符中官大理卿

歷代名畫記源流序

夫畫者成教化助人倫窮神變測幽微與六籍同功古先  
聖王受命應錄則有龜字効靈龍圖呈寶自巢燧以來皆



有此瑞庖犧氏發於榮河中央籍圖畫萌矣軒轅氏得於  
 溫洛中史皇蒼頡狀焉是時也書畫同體而未分象制肇  
 創而猶略無以傳其意故有書無以見其形故有畫按字  
 學之部其六曰鳥書在幡信上書端象鳥頭者則畫之流  
 也顏光祿云圖載之意有三一曰圖理卦象是也二曰圖  
 識字學是也三曰圖形繪畫是也又周官教國子以六書  
 其三曰象形則畫之意也是故知書畫異名而同體也洎  
 乎有虞作繪繪畫明矣既就彰施仍深比象於是禮樂大  
 闡教化由典故能揖讓而天下治廣雅云畫類也爾雅云

欽定全唐文

卷七百九十

張彥遠

三

畫形也說文云畫畛也象田畛畔所以畫也釋名云畫掛  
 也以采色掛物象也故鐘鼎刻則識魑魅而知神奸旂章  
 明則昭軌度而備國制清廟肅而尊彝陳廣輪度而疆理  
 辨以忠以孝盡在於雲臺有烈有勳皆登於麟閣見善足  
 以戒惡見惡足以思賢故陸士衡云宣物莫大於言存形  
 莫善於畫此之謂也

法書要錄序

彥遠家傳法書名畫自高祖河東公收藏珍祕河東公書  
 跡俊異尤能大書本傳云不因師法而天姿雄勁定州北

嶽碑為好事所傳曾祖魏國公少稟師訓妙合鍾張尺牘  
 尤為合作大父高平公幼學元常自鎮蒲陝跡類子敬及  
 處台司乃同逸少書體三變為時所稱金帛散施之外悉  
 購圖書古來名迹存於篋笥元和十三年憲宗累訪珍迹  
 當時不敢緘藏遂皆進獻長慶初又於幽州散失傳家所  
 有十無一二先君尚書少耽墨妙備盡楷模彥遠自幼至  
 長習熟知見竟不能學一字夙夜自責然而收藏監識有  
 一日之長因採掇自古論書凡百篇勒為十卷名曰法書  
 要錄又別撰歷代名畫記十卷有好事者得余二書書畫  
 之事畢矣豈敢言具哉

欽定全唐文

卷七百九十

張彥遠

三

三祖大師碑陰記

唐文粹卷六三

大厯初彥遠曾祖魏國公留守東都兼河南尹洛陽當孽  
 火之後寺塔皆為邱墟迎致嵩山沙門澄沼修建大聖善  
 寺沼行為禪宗德為帝師化滅詔諡大誓即東山第十祖  
 也洎鎮於蜀皆有崇飾在淮南奏三祖大師諡號與塔額  
 刺史獨孤君為之碑張從申書字夫稟儒道以理身理人  
 奉釋氏以修心修性其揆一也會昌天子滅佛法塔與碑  
 皆毀像雖毀而法不能滅是法也不在乎塔不在乎碑大